

袖珍
小說

海
棠
魂

上海
商務印書館

戊申年六月初版
中華民國三年七月五版



原著者
譯述者
發行者
印刷所
總發行所
分售處

(海棠魂 一册)

(每册定價大洋壹角伍分)
(外埠酌加運費匯費)

英 國 布 斯 俾	江 都 薛 一 謬	靜 海 陳 家 麟	商 務 印 書 館	上海 北河南路北首寶山路	商 務 印 書 館	上海 棋盤街中市	商 務 印 書 館	北京 天津保定奉天吉林長春龍江濟南 東昌太原開封洛陽西安南京杭州蘭谿 吳興安慶蕪湖南昌袁州九江漢口武昌	商 務 印 書 館	長沙 寶慶常德衡州成都重慶福州廈門 廣州潮州韶州汕頭澳門香港桂林梧州 雲南 貴陽 石家莊 哈爾濱 新嘉坡
-----------------------	-----------------------	-----------------------	-----------------------	-----------------	-----------------------	-------------	-----------------------	--	-----------------------	---

海棠魂

第一章

香港維多利亞旅舍。一夕方值溽暑。電燈光線。瀉地如水。門外人力車。轆轤行市上。響如殷雷。旅人聞之。鄉思客愁。咸爲車聲拽起。時鐘鳴已報十時。有三人赴彈子房打彈子。一曰奔衛露。爲銀行司事。一曰配枯。巡港艦武職也。旁立一人爲醫士饒蠻務。視線逐彈子往來。默誌二人勝負。或一少年推扉入。顧謂三人曰。君等知否。有船名烏拿塔達者。却矣。奔衛露曰。非昨日開往上海者乎。少年曰。然。此船載有墨西戈洋四萬五十萬元。以此種禍。配枯曰。此必白女鬼所爲。饒蠻務曰。白女鬼何人。余聞之屢矣。配枯曰。此女姓名不可考。貌極

美。膚白如雪。人咸稱曰白女鬼。實海盜也。饒蠻務曰。女子能爲海盜。在吾英領海內。海軍艦諸將領盲耶。少年曰。君勿易言之。海軍艦爲彼敗者。屢矣。配枯曰。惜我未爲海軍將領耳。奈何敗於婦人。奔衛露曰。君處局外。宜爲是言。世有好誇者。謂錫蘭之巨象。不如伊壁間。饒蠻務曰。此女子歷史。君等能言之否。奔衛露謂少年曰。溫德布蘭君知之綦詳。請爲饒蠻務先生言之。溫德布蘭曰。伊事夥。余安能盡。惟彼破慳者之囊。以濟貧困。實爲宇內快事。蘇臘巴亞富宰某氏。一夕爲彼誘去。餽洋五萬元。乃釋歸。又畏希卑者。爲英國巨富。一日於此處遇一麗姝。兩相款洽。偶遊海濱。女欲泛舟大洋。以擴眼界。畏希卑固有海舶數

艘。遂如其請。行未數里。忽見一白色船破浪至。旣近此船。女忽出手槍擬之曰。實告君。我卽海上所謂白女鬼也。爾以銀四十萬購爾命去。否則死汝於此。畏希卑爲彼所脅。書券與之。旣歸。女已取銀去。英日與中國均大索此人。卒不可得。饒蠻務曰。君曾見其人否。溫德布蘭曰。見之。伊寓此旅舍。見之者衆矣。女長身玉立。兩頤紅艷如夏果。人心卽如鐵。彼美之目。乃如磁石。一見卽爲吸去。伊黨羽極衆。星加坡一帶海盜。咸奉爲渠魁。此女子艷麗天生。全球殊罕其匹。配枯曰。止矣。徒繩其美。不能當一麪包。且觀吾彈子。二人復相角。彈子走板上有聲。饒蠻務溫德布蘭旁立以觀。忽室門啓。一人自外入。曰。諸君恕我唐突。此處誰爲饒蠻務先生。饒蠻務趨與語。

客曰。願得一祕密所。與君一言。饒蠻務延入所居室。客曰。君來此幾時耶。饒蠻務曰。余來已數月。客曰。僕耳君醫名久矣。饒蠻務未及答。而心輒喜。蓋世人交友之道。未有不自諛詞。膠合也。客曰。君以何時返英。饒蠻務曰。六星期後即行。客曰。今有一千鎊於此。一星期可得。君願之否。饒蠻務曰。焉有此哉。有之。余詎不願。客曰。君於痘科曾研究否。饒蠻務曰。余曾習此二年。前倫敦染此症。多由余治得痊。客曰。一千鎊在君囊中矣。饒蠻務曰。與君言久。尙未叩君姓氏。且未悉至何處診疾。盡示我。客曰。此時不宜言。君果諾我。尙有條約語。君。饒蠻務詫曰。奇矣。世安有治疾先立條約者。客曰。此事誠奇。然一千鎊卽爲售奇之價值。饒蠻務曰。吾諾君矣。請語我以條

約。客曰。一爲醫金一千鎊。君願往。先付五百鎊。二立約後。卽時啟行。不少緩。三回時不能以所見聞語人。饒蠻務曰。以何時往。客曰。今十一時矣。余以十二時遲君於海濱。言畢。卽檢五百鎊銀券畀饒蠻務。匆匆出門去。

第二章

月色初上。潮來拍岸。有聲。時有一人徘徊岸次。若不耐海風凜烈者。印度巡捕見彼踽踽行。恆來察視。時有二人肩輿由遠至。一支那人自輿中出。貌尊嚴似顯者。趨問此人曰。君在此候友人耶。此人漫應之。支那人曰。君所候之友人。將延君診痘症。曾許君一千鎊耶。此人不答。心頗厭之。將避去。支那人忽變英語曰。饒蠻務先生。君信人也。乞恕我。我特試君耳。

饒蠻務視之。卽招彼之客也。遂與客偕登舳舻。船行甚速。海風習習。令人意健。旣出海口。見一巨艦遠泊。其高如阜。緣梯登之。遠視港中燈火如倒懸。碧落星斗。纍纍馬車。轟烈騰山。欲起。此巨艦爲中國海船。船主暨各役皆中國人。艙極深黝。黑如獄。燈燄小。僅若燐數尺外。卽不能辨人面目。饒蠻務與客並坐。客不多與接談。面有愁慮色。徐言曰。我等不幸與君入盜艘矣。我貌爲中國人。君誌之。勿與我作英語。饒蠻務諾之。心輒忐忑。不甯。客曰。君攜有手槍否。饒蠻務曰。有之。客曰。置左右。勿少離。饒蠻務心益作惡。自念同行者不知爲何人。今又附此。不可思議之海船。一己之外。絕無可恃。此五百鎊金。不啻自售其生命。果余死者。此金又誰屬耶。時海風驟起。

巨浪撞船。臂有聲。船益高下無定。生人當得意時。好風皎月。天亦樂爲之助。一旦愁苦顛沛。嚴風怒潮。皆猝集而故與爲忤。饒蠻務所處之境。幾疑天困之矣。鐘鳴三響。時屆夜分。饒蠻務漸入黑甜。忽聞有人語曰。饒蠻務先生。君手槍何在。饒蠻務急起索之。已烏有矣。大駭。無以爲計。客曰。君勿訝。槍在此矣。言時。以手槍畀之。曰。君慎之。我輩生命繫於此。君當危急時。得此則生。安可高枕眠耶。時有一身短而黑者。經其側。客指之曰。此人名黃豐。著名海盜也。我輩不幸陷彼阱中。此時惟靜以待之。俟彼先發。徐圖應之之策。饒蠻務益皇局。蜩縮不少動。客佯作倦容。頃之鼾齁聲起。饒蠻務知彼故爲此。以誘敵。然海盜聞之。禍必速發。此鼾齁聲不啻宣戰書也。有

三四水手坐臥其前。饒蠻務念禍種。必自。此中發目注之。不。少瞬彼一搔足。一整衣。咸爲之備。久之。絕無朕兆。方私喜得。片刻安靜時。身後忽來一人。方以繩作巨圈。加彼項上。使一。回顧。狂吼聲出矣。饒蠻務驟覺喉痛如縊。欲發聲已不可得。忽聞槍聲一鳴。喉中之繩縛愈急。蓋縊彼之人。已應聲倒。繩。纏手中。未釋曳之愈力。饒蠻務與此受槍之海盜俱暈絕矣。客起急解其索。曰。君慎之。敵至矣。時一槍彈出客之左耳下。客伏以避之。并肘擊饒蠻務。使伏。槍彈又發。客反槍擊之。中。一人連擊之。無虛發者。饒蠻務手戰不能舉。思擇一避彈處。倉猝不可得。客手槍聯發。久之。若空無所着。視之羣盜匿艙。下矣。時兩軍拒敵僅隔寸許之木板。且不知彼爲敗卒爲伏。

兵相持三四分鐘。忽聞呼噪聲自下而上。約八九人。似停戰片時。各受方略。爲此出奇制勝之師者。首一人卽黃豐。趨就饒蠻務。饒蠻務槍未及發。持以擊之中腦。踣矣。後人繼至。爲黃豐所躪。亦顛。饒蠻務力擊之。并斃。餘人均就客戰。客槍斃其一。一人躍起。遽奪其槍。擲之海中。客張空拳相搏。敵垂勝矣。饒蠻務以己槍授之。又斃其一。餘人復匿艙下。客曰。我輩再捷。渠魁已斃。君手餘卒竄伏不出矣。然卒不敢下。慮爲所中。時舟行甚利。風帆張如鵬翼。東方已作魚肚白色。頃之紅日一線。界天而起。海水蕩作金蛇。四面濤聲如奏凱歌。聲極宏壯。天明後。視船中死尸縱橫。腦汁血漬。濺滿船板。客忽呼饒蠻務曰。君傷矣。左臂血流。何也。饒蠻務乃覺大痛。徹心須。

與不可忍。客曰：君略耐之。彼伏艙下諸人，余呼之出，使助操舟。彼敗匿不敢戰矣。客作中國語曰：出者赦免，否則余銃不汝恕。有三人應聲出，跪求免罪。客領之。饒蠻務曰：尙隔水程幾許？客曰：近矣。言訖，示彼所向。水手謹如命，無敢抗者。日漸高，炎氣相逼，炙腦欲涸。饒蠻務臂痛甚，欹蓬背下，藉避暑虐。日光嚴毒，如針有芒，尋人而刺，視移寸晷，暑如度一年久之日。乃匿於地平線下，舟中人始得舒其呼吸。饒蠻務又詢以遠近。客曰：實告君，主者命余延君，須至彼舟中，無定宅也。饒蠻務益駭曰：如此大洋，巨舶小如一萍葉，當於何處尋之？忽聞客大呼曰：船至矣。船至矣。饒蠻務喜極，忽臂創大裂，暈矣。

第三章

饒蠻務醒時。景物大異。所臥處。錦幄四垂。懸鐘丁丁有聲。蓋已易一極精美之快航。拭目四顧。忽有所覩。時饒蠻務年已二十四。此時目中所見。爲彼有生以來所未覩。卽由此而至百齡。苟彼目尙存者。亦斷弗能忘此日所見。蓋一絕世麗姝坐其側也。此女子身著白衣。粉頸玉頤。縞素一色。身倚一小榻上。雖不語。亦含有情愫。至其如何美麗。閱吾書者可想像而得。必求其真際。雖饒蠻務亦不能描寫萬一也。女子側臥一狗。狀極獷惡。惟此獷惡之狗。乃益顯此美人之妍。美人坐此。若預待饒蠻務之醒者。饒蠻務揭帳外視。適與美人之眸相對。美人笑曰。君蘇耶。已入睡鄉四時矣。口音嬌媚。眞浸饒蠻務心肺。於酥醺使之臟腑沈醉。饒蠻務已忘其臂痛。私自

計曰。果多得彼美數言。當已。吾疾不知自擇何語。以誘彼。使惠我嘉音。乃佯作恍惚之詞曰。此何處耶。已出彼凶人舟中乎。美人笑曰。君得嘉夢。人上帝天堂矣。饒蠻務曰。天堂耶。彼客竟何往。美人笑曰。君友凹露臥士。至下艙休息矣。此時饒蠻務乃知此客姓名。又問曰。此究爲何處。美人曰。此船名孤星。余卽此船主。饒蠻務曰。敢問君何名。美人笑曰。余眞名爲亞籟。世人爲我命名。則大異。饒蠻務曰。君自有名。何取世人命之。美人笑曰。世人所命。雖非眞名。然足見眞我。余白女。鬼也。饒蠻務驟聞頗驚駭。然驚駭之心。終不敵其愛慕。彼女。卽豺虎已亦甘膏。其吻惟慮齒齧不及之耳。女言已。卽隱去。時饒蠻務生死之念。又生。自謂曰。余卽死者。僅得彼美數言。

殊未足酬死之價值。繼思彼所誘獲。均擁厚資者。余一窶人家資。僅餘五百鎊。仍得之於彼者。伊胡爲爨己糧而自食之。使余診疾之說。或確耶。忽聞有足音至。凹露臥士入矣。謂饒蠻務曰。君臂痛愈乎。饒蠻務未及答。凹露臥士曰。自香港至此。已五十英里矣。饒蠻務曰。君奈何誑余來此。鞭石固不可得血。君知之耶。凹露臥士曰。君誤矣。延君來。實爲治疾。事已。卽送君還。無他意也。饒蠻務曰。然則胡不預言之。凹露臥士曰。預言之。君且縛我。君焉能隨余至此。饒蠻務知無生命之虞。且得與美人相對。獲彼厚資。此行真天堂矣。膽氣一壯。臂痛頓止。強起坐。周視艙中。陳設極麗。顧凹露臥士曰。此船製之何處。凹露臥士曰。吾主繪圖督工匠爲之。饒蠻務曰。是白

女鬼爲之耶。凹露臥士曰。君詎可爲是稱。宜呼以船主。饒蠻務曰。船主賦此麗質。又有異能。眞神人也。凹露臥士曰。船主異能殊多。卽君所工之醫術。渠亦能之。惟彼兼麗質。異能天畀。渠以殊性。君須慎與周旋。勿褻也。饒蠻務聞之。如置熾炭於水中。頓消熱度矣。徐謂之曰。彼之殊性何如。凹露臥士曰。彼性嗜殺。非煦煦婦人比也。時來一水手招饒蠻務曰。船主召君共食。食具矣。饒蠻務聞之。如奉勅令。卽隨之。至船主室。

第四章

船主室極莊麗。爲饒蠻務目所未覩。旣入。見白女鬼一人靜坐。樽中滿貯白蘭帝酒。若專待渠至者。饒蠻務趨入座。白女鬼曰。吾遣凹露臥士延君。吾島中生命。賴君存活。饒蠻務答。

以遜詞。白女鬼曰。吾曾治之。弗效。故特延君。饒蠻務曰。痘症危險。惟預種牛漿者可免。主曾爲此否。白女鬼笑曰。余五年前曾種於巴黎。饒蠻務曰。是不足恃。必再爲之。乃免復發。白女鬼曰。乞君爲之何如。饒蠻務思藉傳漿之說。一親芳澤。今聞此大遂所欲。喜極幾忘進食。歸至臥處。取所用刀圭至。時白女鬼玉臂陳矣。白如積雪。溫度近人。又如香玉。刀甫下。女作微呻。饒蠻務色猝變。恨女所受痛楚不移。至己臂上。實則女未受巨創也。治已。饒蠻務以帛裹之。親爲結束。返至艙中。心旌搖搖。不能自持。時天垂暮矣。夕陽在水。化爲金液。饒蠻務至艙中。遠望見海水平鋪。色碧如玻璃。惟經船行處。劃破空明。一片在愛惜此景者。必視如美人之臂。不應受割耳。時